



宋本周書焚餘卷葉單

目錄 一三五八 十二

紀一 一二五九 九十一 十三 十五至十八

紀二 一二三五至八 十五 十六 十九

紀三 一二四

紀四 一三六 七 十九

紀五 一二三 四五六 十三至十六 廿六 廿七

紀六 一三五 十五 廿二 廿三

紀七 一三五十一 十五

紀八 二五八

傳一 一三四五八 九

傳二 一二三四五六七 十一

傳三 二十 十三 十七至十九 五十二 十五

傳四 三五十三

傳五 一九

傳六 三四六至十二 十四十五 十六

傳七 八 十一 十三至十六 十八至廿一

右共六百四十葉半

以了子公後者一葉數無缺  
卷葉終有以正、  
ノ各檢註

圖書目録

目錄存八頁 一三五八十二

卷一、存十二頁 一五二 一五三 一五五 一五七 一五九 一六一 一六三 一六五 一六七 一六九

卷二、存十一頁 一七三 一七五 一七七 一七九 一八一 一八三 一八五 一八七 一八九

卷三、存二頁 一八二 一八三

卷四、存四頁 一三六 一三五七

卷五、存十頁 一三五上 一三五下 一三五八 一三五九 一三六〇 一三六一 一三六二 一三六三 一三六四

卷六、存九頁 一三五 一三五二 一三五三 一三五四 一三五五 一三五六 一三五七 一三五八

卷七、存十二頁 一三五十一 一三五十二 一三五十三 一三五十四 一三五十五

卷八、存七頁 一三五八

卷九、存六頁 一三五五 一三五九

卷十、存八頁 一三七 一三九

卷十一、存九頁 一三五 一三五二 一三五三 一三五四 一三五五 一三五六 一三五七 一三五八 一三五九

卷十二、存十頁 一三五三 一三五四 一三五五 一三五六 一三五七 一三五八 一三五九 一三六〇

卷十三、存二頁 一九

卷十四、存十二頁 一三五の 一三五十二 一三五十三 一三五十四 一三五十五 一三五十六 一三五十七 一三五十八 一三五十九

卷十五、存十一頁 一八 一八二 一八三 一八四 一八五 一八六 一八七 一八八 一八九 一九〇

共存一百四十頁半

共存一百四十頁半

余所包一切王朝書目  
佳百抄書目卷之五  
証明

如能覽一不世遺通  
天年拙出

同業以此揮訂猶多保存

一九五三年十月十日補識

以



Vertical handwritten notes in a smaller script, possibly providing additional details or a date related to the collection or the inscription.

後周書目錄

凡五十卷

紀八卷

傳四十二卷

紀第一

周書一

文帝上

紀第二

周書二

文帝下

紀第三

周書三



孝閔帝

紀第四

周書四

明帝

紀第五

周書五

武帝上

紀第六

周書六

武帝下

紀第七

周書七

宣帝

列傳第八

周書十六

趙貴

獨孤信

侯莫陳崇

列傳第九

周書十七

梁禦

若千惠

怡峯

劉亮

王德

列傳第十

周書十八

王羆

子慶遠 孫述

王思政

列傳第十一

周書十九

達奚武

子震

侯莫陳順

皇盧寧 宇文貴 楊忠

列傳第十二 周書二十

王盟 賀蘭祥 尉遲綱

叱列伏龜 閻慶

列傳第十三 周書二十一

尉遲迥 王謙 司馬消難

列傳第十四 周書二十二

周惠達馮景 楊寬兄穆儉 柳慶子機

列傳第十五 周書二十三

蘇綽

列傳第十六 周書二十四

盧辯

列傳第十七 周書二十五

李賢 弟遠

列傳第十八 周書二十六

長孫儉 長孫紹遠弟澄 兄子兕

斛斯徵

列傳第十九 周書二十七

赫連達 韓果 蔡祐

常善 辛威 庫狄昌

田弘 梁椿 梁臺

宇文測 弟深

列傳第二十 周書二十八

史寧 陸騰 賀若敦

權景宣

列傳第二十一 周書二十九

王傑 王勇 宇文虬

宇文盛 弟立 耿豪 高琳

李和 伊婁穆 楊紹

王雅 達奚寔 劉雄

侯植

列傳第二十二 周書三十

竇熾 兄子毅 于翼 李穆附

列傳第二十三 周書三十一

韋孝寬 韋夔 梁士彥

列傳第二十四 周書三十二

申徽 陸通 弟達 柳敏

盧柔 唐瑾

列傳第二十五 周書三十三

庫狄峙 楊存 趙剛

王慶 趙昶 王悅

趙文表

列傳第二十六 周書三十四

趙善 元定 楊擲

裴寬 楊敷

列傳第二十七 周書三十五

鄭孝穆 崔謙 弟詵 子弘度

崔猷 裴俠 薛端

薛善 弟慎

列傳第二十八 周書三十六

鄭偉 楊纂 段永

王士良 崔彥穆 令狐整

司馬裔 裴果 子孝仁 附劉志子明 子陵

列傳第二十九 周書三十七

寇雋 韓褒 趙肅

張軌 李彥 郭彥

裴文舉 高賓

列傳第三十 周書三十八

蘇亮 弟湛 柳虬 呂思禮

薛澄 薛寘 李昶

元偉

列傳第三十一 周書三十九

韋瑱 梁昕 皇甫璠

辛慶之 族子昂 王子直 杜果

列傳第三十二 周書四十

尉遲運 王軌 宇文神舉

宇文孝伯 顏之儀 樂運

列傳第三十三 周書四十一

王褒 庾信

列傳第三十四 周書四十二

蕭撝 蕭世怡 蕭圓肅

蕭大圜 宗懔 劉璠

柳霞

列傳第三十五

周書四十三

李延孫 韋祐

韓雄

陳忻 魏玄

列傳第三十六

周書四十四

泉企 李遷哲 楊乾運

扶猛 陽雄 席固

任果

列傳第三十七

周書四十五

儒林

盧誕 盧光 沈重

樊深 熊安生 樂遜

列傳第三十八

周書四十六

孝義

李棠 柳檜 杜叔毗

荆可 秦族 皇甫遐

張元

列傳第三十九

周書四十七

藝術

冀儁 蔣昇 姚僧垣子最

黎景熙 趙文深 褚該

列傳第四十 周書四十八

蕭肅 答

列傳第四十一 周書四十九

異域上

高麗 百濟 蠻

獠 宕昌 鄧至

俯仰廟堂無為以應萬幾者致其思而已矣夫  
思之為王者事君臣一也而君之勢則異焉世  
獨頌堯舜之無為而安知夫人主自宜無為而  
思則不可一日已也書曰思曰睿揚雄曰於道  
則勞其不然歟蓋夫治度善矣非以道作其人  
別不能為之守而民之多寡物之豐殺法度有  
視時而革者必待人而後謀則是可不致其思  
乎苟未能此而徒欲法度之革者是豈先王為  
治之序哉彼區區之周何足以議徒取其能因

一時君臣之致好猶足以見其効又况慨然行  
先王之道而得大有為之勢乎是固不宜無論  
也臣壽臣安國臣希謹昧死上

紀第一

周書一

文帝上

令狐德棻等撰

太祖文皇帝姓宇文氏諱泰字黑獺代武川人  
也其先出自炎帝神農氏為黃帝所滅子孫遂  
居朔野有葛烏菟者雄武多筭略鮮卑慕之奉  
以為主遂惣十二部落出為大人其後曰普回  
因狩得玉璽三紐有文曰皇帝璽普回心異之  
以為天授其俗謂天曰宇謂君曰文因號宇文

國并以爲氏焉普回子莫那自陰山南徙始居  
遼西是曰獻侯爲魏舅生之國九世至侯豆歸  
爲慕容晃所滅其子陵仕燕拜駙馬都尉封玄  
菟公魏道武將攻中山陵從慕容寶禦之寶敗  
陵率甲騎五百歸魏拜都牧主賜爵安定侯天  
興初徙豪傑於代都陵隨例遷武川焉陵生系  
系生韜竝以武略稱韜生肱肱任俠有氣幹正  
光末沃野鎮人破六汗拔陵作亂遠近多應之  
其僞署王衛可孤徒黨最盛肱乃糾合鄉里斬  
可孤其衆乃散後避地中山遂陷於鮮于脩禮  
脩禮令肱還統其部衆後爲定州軍所破歿於  
陣武成初追尊曰德皇帝太祖德皇帝之少子  
也母曰王氏孕五月夜夢抱子昇天纔不至而  
止寤而告德皇帝德皇帝喜曰雖不至天貴亦  
極矣生而有黑氣如蓋下覆其身及長身長八  
尺方額廣額美鬚鬣長委地垂手過膝背有  
黑子宛轉若龍盤之形面有紫光人望而敬畏  
之少有大幅度不事家人生業輕財好施以交結

賢士大夫少隨德皇帝在鮮于脩禮軍及葛榮  
殺脩禮太祖時年十八榮遂任以將帥太祖知  
其無成與諸兄謀欲逃避計未行會爾朱榮擒  
葛榮定河北太祖隨例遷晉陽榮以太祖兄弟  
雄傑懼或異已遂託以他罪誅太祖第二兄洛  
生復欲害太祖太祖自理家寃辭旨慷慨榮感  
而免之益加敬待孝昌二年燕州亂太祖始以  
統軍從熒宋征之先是北海王顥奔梁梁人立爲  
魏主令率兵入洛魏孝莊帝出居河內以避之

馬以實五軍西輯氏羌北撫沙塞還軍長安匡  
輔魏室此桓文舉也岳大悅復遣太祖詣闕請  
事密陳其狀魏帝深納之加太祖武衛將軍還  
令報岳岳遂引軍西次平涼謀於其衆曰夏州  
隣接寇賊須加綏撫安得良刺史以鎮之衆皆  
曰宇文左丞即其人也岳曰左丞吾之左右手  
也如何可廢沈吟累日乃從衆議於是表太祖  
爲使持節武衛將軍夏州刺史太祖至州伊利  
望風欵附而曹泥猶通使於齊神武魏永熙三

年春正月岳欲討曹泥遣都督趙貴至夏州與  
太祖計事太祖曰曹泥孤城阻遠未足為憂侯  
莫陳悅怙衆密邇貪而無信必將為患願早  
圖之岳不聽遂與悅俱討泥二月至于河曲岳  
果為悅所害其士衆散還平涼唯大都督趙貴  
率部曲收岳屍還營於是三軍未有所屬諸  
將以都督寇洛年最長相與推洛以摠兵事洛  
素无雄略威令不行乃謂諸將曰洛智能本闕  
不宜統御近者迫於羣議推相攝領今請避位

更擇賢材於是趙貴言於衆曰元帥忠公盡節  
暴於朝野勳業未就奄罹凶酷豈唯國喪也宰  
固亦衆无所依必欲糾合同盟復讎雪耻須擇  
賢者摠統諸軍舉非其人則大事難集雖欲立  
忠建義其可得乎竊觀宇文夏州英姿不世雄  
謨冠時遠邇歸心士卒用命加以法令齊肅賞  
罰嚴明真足恃也今若告喪必來赴難因而奉  
之即大事集矣諸將皆稱善乃命赫連達馳至  
夏州告太祖曰侯莫陳悅不顧盟誓棄恩背德

賊害忠良羣情憤惋控告无所公昔居管轄恩  
信著聞今無小無大咸願推奉衆之思公引日  
成歲願勿稽留以慰衆望也太祖將赴之夏州  
吏民咸泣請曰聞悅今在永洛去平涼不遠若  
已有賀拔公之衆則圖之實難願且停留以觀  
其變太祖曰悅旣害元帥自應乘勢直據平涼  
而反趙超屯兵永洛吾知其无能爲也且難得  
易失者時也不俟終日者幾也今不早赴將恐  
衆心自離都督彌姐元進規欲應悅密圖太祖  
此未敢自拔兼順衆情乞少停緩太祖乃與悅  
書責之曰頃者正光之末天下沸騰塵飛河朔  
霧塞荆沔故將軍賀拔公攘袂勃起志寧寓縣  
授戈南指拯皇靈於已墜擁旄西邁濟百姓於  
淪胥西顧無憂豈系公是賴勲茂賞隆遂征關右  
此乃行路所知不藉一二談也君實名微行薄  
本无遠量故將軍降遷高之志篤彙征之理乃  
申啓朝廷薦君爲隴右行臺朝議以君功名闕  
然未之許也遂頻煩請謁至於再三天子難違

上將便相聽許是亦遐邇共知不復煩之翰墨  
縱使木石爲心猶當知感況在生靈安能無愧  
加以王室多故高氏專權主上虛心寄隆晉鄭  
君復與故將軍同受密旨屢結盟約期於畢力  
共匡時難而貌恭心很妬勝嫉賢口血未乾  
首已發協黨國賊共危本朝孤恩負誓有覲面  
目豈不上畏於天下慙於地吾以弱才猥當藩  
牧蒙朝廷拔擢之恩荷故將軍國士之遇聞問  
之日魂守驚駭馳便陳啓天朝暫來奔赴衆情所  
推遂當戎重比有勅旨召吾還關亦有別詔令  
君入朝雖操行無聞而年齒已宿今日進退唯  
君是視君若督率所部自山隴東邁吾亦摠勒  
師徒北道還關共追廉蔭之迹同慕寇賈之風  
如其首鼠兩端不時奉詔專戮違旨國有常刑  
枕戈坐甲指日相見幸圖利害無貽噬臍悅旣  
懼太祖謀已詐爲詔書與秦州刺史万俟普撥  
令與悅爲黨援普撥疑之封詔以呈太祖太祖  
表之曰臣自奉詔摠平涼之師責重憂深不遑

啓處訓兵秣馬唯思竭力前以人戀本土侯莫  
陳悅窺窬進退量度且宜住此今若召悅授以  
內官臣列旆東轅匪朝伊夕朝廷若以悅堪爲  
邊扞乞處以瓜涼一藩不然則終致猜虞於事  
無益初原州刺史史歸爲岳所親任河曲之變反  
爲悅守悅遣其黨王伯和成次安將兵二千人  
助歸鎮原州太祖遣都督侯莫陳崇率輕騎一  
千襲歸擒之并獲次安伯和等送於平涼太祖  
表崇行原州事方侯普撥又遣其將叱干保洛

領二千騎來從軍三月太祖進軍至原州衆軍  
悉集諭以討悅之意士卒莫不懷憤太祖乃表  
曰臣聞誓死酬恩覆宗報主人倫所急赴蹈如  
歸自大都督臣岳歿後臣頻奉詔還闕秣馬戒  
途志未俟旦直以督將已下咸稱賀拔公視我  
如子今讎耻未報亦何面目以處世間若得一  
雪<sub>冤</sub>萬死无恨且悅外附疆臣內違朝旨臣  
今上思逐惡之志下遂節士之心冀仗天威爲  
國除害小違大順實在茲辰克定之後伏待斧

鉞夏四月引兵上隴留兄子遵爲都督鎮原州  
太祖軍令嚴肅秋豪无犯百姓大悅識者知其  
有成軍出木峽關大雨雪平地二尺太祖知悅  
怯而多猜乃倍道兼行出其不意悅果疑其左  
右有異志者左右亦不安衆遂離貳聞大軍且  
至退保略陽留一萬餘人據守永洛太祖至永  
洛命圍之城降太祖即率輕騎數百趣略陽以  
臨悅軍悅大懼乃召其部將議之皆曰此鋒不  
可當勸悅退保上邽以避之時南秦州刺史李  
太祖稍引軍而東太祖乃遣大都督梁御率步  
騎五千鎮河渭合口爲圖河東之計太祖之討  
悅也悅遣使請援於齊神武神武使其都督韓  
軌將兵一萬據蒲坂而雍州刺史賈顯送船與  
軌請軌兵入關太祖因梁御之東乃逼召顯  
赴軍御遂入雍州魏帝遣著作郎姚幼瑜持節  
勞軍進太祖侍中驃騎大將軍開府儀同三司  
關西大都督略陽縣公承制封拜使持節如故  
於是寇洛爲涇州刺史李弼爲秦州刺史前

洛陽郡守張獻爲南岐州刺史盧待伯拒代遣  
輕騎龍衣擒之待伯自殺時魏帝方圖齊神武又  
遣徵兵太祖乃令前秦州刺史駱超爲大都督  
率輕騎一千赴洛進授太祖兼尚書僕射關西  
大行臺餘官封如故太祖乃傳檄方鎮曰蓋聞  
陰陽遞用盛衰相襲苟當百六元間三五皇家  
創歷陶鑄蒼生保安四海仁育萬物運距孝  
昌屯汭屢起隴巽騷動燕河狼顧雖靈命重啓  
蕩定有期而乘豐之徒因生羽翼賊臣高歡器

繼逃歸歡益加撫待亦无陳白然歡入洛之始  
本有姦謀令親人蔡攜作牧河濟厚相恩贍以  
爲東道主人故關西大都督清水公賀拔岳勲  
德隆重興亡攸寄歡好亂樂禍深相忌毒乃  
與侯莫陳悅陰圖陷害幕府以受律專征便  
即討戮歡知逆狀已露稍懷旅距遂遣蔡攜拒  
代令竇泰佐之又遣侯景等云向白馬輔世珍  
等徑趣石濟高隆之疋婁昭等屯據壘關韓軌  
之徒擁衆蒲坂於是上書言天子數論得失此言毀

乘輿威侮朝廷藉此徵庸異茲大寶谿壑可盈  
禍心不測或言徑赴荆楚開疆於外或言分詣  
伊洛取彼讒人或言欲來入關與幕府決戰今  
聖明御運天下清夷百寮師師四陬來暨人盡  
忠良誰爲君側而歡威福自己生是亂階緝構  
南箕指鹿爲馬包藏凶逆伺我神器是而可忍  
孰不可容幕府折衝宇宙親當受脤銳師百萬  
穀騎千羣裹糧坐甲唯敵是俟義之所在靡軀  
匪愜况頻有詔書班告天下稱歡逆亂徵兵

伐今便分命將帥應機進討或趨其要害或龍  
其密宅電繞蛇擊雲霧合星羅而歡達負天地毒  
被人鬼乘此掃蕩易同俯拾歡若渡河稍逼宗  
廟則分命諸將直取并州幕府躬自東轅電  
赴伊洛若固其巢穴未敢發動亦命羣師百道  
俱前驟裂賊臣以謝天下其州鎮郡縣率土人  
黎或州鄉冠冕或勲庸世濟宜捨逆歸順立  
効軍門封賞之科已有別格凡百君子可不勉  
歟太祖謂諸將曰高歡雖智不足而詐有餘今

聲言欲西其意在入洛吾欲令寇洛率馬步萬  
餘自涇州東引王羅率甲士一萬先據華州歡  
若西來主羅足得抗拒如其入洛寇洛即襲汾  
晉五臣便速加馬直赴京邑使其進有內顧之憂退  
有被躡之勢一舉大定此為上策衆咸稱善秋  
七月太祖師衆發自高平前軍至於弘農辰而齊  
神武稍逼京邑魏帝親搃六軍屯於河橋令左  
衛元斌之領軍斛斯椿鎮武牢遣使告太祖太  
祖謂左右曰高歡數日行八九百里曉兵者所  
忌正須乘便擊之而主上以萬乘之重不能  
決戰方緣津據守且長河萬里扞禦為難若一  
處得度大事去矣即以大都督趙貴為別道  
行臺自蒲坂濟趣并州遣大都督慕容賢將精騎  
二千赴洛陽會斌之與斛斯椿爭權不協斌之遂  
棄椿還給帝云高歡兵至七月丁未帝遂從洛  
陽率輕騎入關太祖備儀衛奉迎謁見東陽驛  
太祖免冠泣涕謝曰臣不能式遏寇虐遂使乘  
輿遷幸請拘司敗以正刑書帝曰公之忠節曩

於朝野朕以不德負乘致寇今日相見深用厚  
顏責在朕躬无勞謝也乃奉帝都長安披草  
萊立朝廷軍國之政咸取太祖決焉仍加授大  
將軍雍州刺史兼尚書令進封略陽郡公別置  
二尚書隨機處分解尚書僕射餘如故太祖固  
讓詔敦諭乃受初魏帝在洛陽許以馮翊長公  
主配太祖未及結納而帝西遷至是詔太祖尚  
之拜駙馬都尉八月齊神武龍襄陷潼關侵華陰  
太祖率諸軍屯霸上以待之齊神武留其將薛  
瑾守關而退太祖乃進軍討瑾虜其卒七千還  
長安進位丞相冬十月齊神武推魏清河王亶  
子善見為主徙都於鄴是爲東魏十一月遣儀  
同李諱與李弼趙貴等討曹泥於靈州諱引河  
灌之明年泥降遷其豪帥于咸陽閏十二月魏  
孝武帝崩太祖與羣公定策尊立魏南陽王寶  
炬爲嗣是爲文皇帝

紀第一

周書一

紀第二

周書二

令狐

德棻

等撰

文帝下

魏大統元年春正月己酉進太祖督中外諸  
 軍事錄尚書事大行臺改封安定郡王太祖固  
 讓王及錄尚書事魏帝許之乃改封安定郡公  
 東魏遣其將司馬子如寇潼關太祖軍霸上子  
 如乃回軍自蒲津寇華州刺史王羆擊走之三  
 月太祖以戎役屢興民吏勞弊乃命所司斟酌

今古參考變通可以益國利民便時適治者爲二十四條新制奏魏帝行之

二年春三月東魏龍襄陷夏州留其將張瓊許和守之夏五月秦州刺史達忠王万俟普撥率所部叛入東魏太祖勒輕騎追之至河北千餘里不及而還

三年春正月東魏寇龍門屯軍蒲坂造三道浮橋度河又遣其將竇泰趣潼關高敖曹圍洛州太祖出軍廣陽召諸將曰賊今倚吾三面又

造橋於河示欲必渡是欲綴吾軍使竇泰得西入耳久與相持其計得行非良策也且歡起兵以來秦每爲先驅其下多銳卒屢勝而驕今出其不意襲之必克克秦則歡不戰而自走矣諸將咸曰賊在近捨而遠襲事若蹉跌悔無及也太祖曰歡前再襲潼關吾軍不過霸上今者大來兵未出郊賊顧謂吾但自守耳无遠鬪意又狃於得志有輕我之心乘此擊之何往不克賊雖造橋未能徑渡比五日中吾取竇泰必矣公等勿

疑度成太祖率騎六千還長安聲言欲保隴右辛  
亥謁帝而潛出軍癸丑旦至小關實秦卒聞軍  
至惶懼依山爲陣未及成列太祖縱兵擊破之盡  
俘其衆萬餘人斬秦傳首長安高敖曹適陷  
洛州執刺史泉企聞秦之歿焚輜重棄城走齊  
神武亦撤橋而退企子元禮尋復洛州斬東魏  
刺史杜密太祖還軍長安六月遣儀同于謹取楊  
氏壁太祖請罷行臺帝復以申前命太祖受錄尚  
書事餘固讓乃止秋七月徵兵會咸陽八月丁丑

太祖率李弼獨孤信梁知崇趙貴于謹若干惠怡  
峯劉亮王真息侯莫陳崇李遠達奚武等十二  
將東伐至潼關太祖乃誓於師曰與爾有衆奉  
天威誅暴亂惟爾士整爾甲兵戒爾戎事充貪  
財以輕敵无暴民以作威用命則有賞不用命則  
有戮爾衆士其勉之遣于謹居軍前徇地至槃豆  
東魏將高叔禮守柵不下謹急攻之乃降獲其戎  
卒二千送叔禮于長安戊子至弘農東魏將高干  
陝州刺史李徽伯拒守于時連雨太祖乃命諸軍

冒雨攻之庚寅城潰斬徽伯虜其戰士六千高干  
走度河令賀拔勝追擒之並送長安於是宜陽邵  
郡皆來歸附先是河南豪傑多聚兵應東魏  
至是各率所部來降齊神武懼率衆十萬出壺  
口趨蒲坂將自后土濟又遣其將高敖曹以三萬人出  
河南是歲關中飢太祖旣平弘農因館穀五十餘  
日時戰士不滿萬人聞齊神武將度乃引軍入關  
齊神武遂度河逼華州刺史王熊嚴守知不可  
攻乃涉洛軍於許原西太祖據渭南徵諸州兵

戰所准當時兵士人種樹一株以旌武功進太祖柱  
國大將軍增邑并前五千口李弼等十二將亦進  
爵增邑并其下將士賞各有差遣左僕射馮翊  
王元季海爲行臺與開府獨孤信率步騎二萬  
向洛陽洛州刺史李顯趨荊州賀拔勝李弼度河  
圍蒲坂牙門將高子信開門納勝軍東魏將薛  
崇禮弃城走勝等追獲之太祖進軍蒲坂略定  
汾絳於是許和殺張瓊以夏州降初太祖自弘農  
入關後東魏將高敖曹圍弘農聞其軍敗退守

洛陽獨孤信至新安敖曹復走度河信遂入洛陽東魏潁州長史賀若統與密縣人張儉執刺史田迅舉城降滎陽鄭榮業鄭偉等攻梁州擒其刺史鹿永言清河人崔彥穆檀琛攻滎陽擒其郡守蘇宿皆來附自梁陳已西將吏降者相屬於是東魏將堯雄趙育是云寶出潁川欲復降地太祖遣儀同宇文遺梁遷等逆擊大破之趙育來降東魏復遣將任祥率河南兵與雄合儀同怡峯與貴遷等復擊之又遣都督韋孝寬

取豫州是云寶殺其東揚州刺史郝椿以州來附四年春三月太祖率諸將入朝禮畢還華州七月東魏遣其將侯景庫狄干高敖曹韓軌可朱渾元莫多婁負文等圍獨孤信於洛陽齊神武繼其後先是魏帝將幸洛陽拜園陵會信被圍詔太祖率軍救信魏帝亦東八月庚寅太祖至款城莫多婁負文可朱渾元來逆臨陣斬負文元單騎遁免悉虜其衆送弘農遂進軍灑東是夕魏帝幸太祖營於是景等夜解圍去及旦太祖率輕騎追

之三于河上景等北據河橋南屬邛山為陣與諸  
軍合戰太祖馬中流矢驚逸遂失所之因此軍中  
擾亂都督李穆下馬投太祖軍以復振於是大捷  
斬高敖曹及其儀同李猛西兗州刺史宋顯等虜  
其甲士萬五千赴河死者以萬數是日置陣既大  
首尾懸遠從旦至未戰數十合氛霧四塞莫能相  
知獨孤信于遠居右趙軍貝怡山峯居左戰並不利又  
未知魏帝及太祖所在比日奔其卒先歸開府李諱  
念賢等為後雷之進信等退即與俱還曹是乃班

師洛陽亦失守大軍至弘農守將比日已奔城西走  
所虜降卒在弘農者因相與閉門拒守進攻拔  
之誅其魁首數百人夫軍之東伐也關中留守兵少  
而前後所虜東魏士卒皆散在民間乃謀為亂及  
李諱等至長安計無所出乃與公卿輔魏太子出  
次渭北關中大震恐百姓相剽劫於是沙苑所俘軍  
人趙青雀雍州民于伏德等遂反青雀據長安  
于城伏德保咸陽與太守慕容思慶各收降卒  
以拒還師長安大城民皆相率拒青雀每曰接戰

魏帝留止閩鄉遣太祖討之長安父老見太祖至  
悲且喜曰不意今日復得見公士女咸相賀華州  
刺史導率軍龍襄咸陽斬思慶擒伏德南度渭與太  
祖會攻青雀破之太傅梁景睿先以疾留長安  
遂與青雀通謀至是亦伏誅關中於是乃定魏  
帝還長安太祖復屯華州冬十月東魏將侯景致  
陷廣州十一月是云寶龍襄洛陽東魏將王元軌奔  
城走都督趙剛龍襄廣州拔之自襄廣以西城鎮  
復屬

五年冬大閱於華陰

六年春東魏將侯景出三鵠將侵荊州太祖遣開  
府李弼獨孤信各率騎五千出武關景乃退還  
夏茹茹度河至夏州太祖召諸軍屯沙苑以備之  
七年春三月魏胡帥夏州刺史劉平伏據上郡叛  
遣開府于謹討平之冬十一月太祖奏行十二條制恐  
百官不勉於職事又下令申明之

八年夏四月大會諸軍於馬牧冬十月齊神武侵汾  
絳圍玉壁太祖出軍蒲坂將擊之軍至皂莢齊神

武退太祖度汾追之遂遁去十二月魏帝狩於華陰大饗將士太祖率諸將朝於行在所

九年春東魏北豫州刺史高仲密舉州來附太祖帥師迎之令開府李遠為前軍至洛陽遣開府于謹攻栢谷塢拔之三月齊神武至河北太祖還軍灑上以引之齊神武果度河據邛山為陣不進者數日太祖留輜重於灑曲士皆銜枚夜登邛山未明擊之齊神武單騎為賀拔勝所逐僅而獲免太祖率右軍若干惠等大破齊神武軍悉虜

為上又改置州郡及縣改東雍為華州北雍為宜州南雍為蔡州華州為同州北華為鄜州東秦為隴州南秦為成州北秦為交州東荆為淮州南荆為昌州東夏為延州南夏為長州東梁為金州南梁為隆州北梁為靜州陽都為汾州南汾為動州汾州為丹州南豳為寧州南岐為鳳州南洛為上州南廣為涇州南襄為湖州西涼為甘州西郢為鴻州西益為利州東巴為集州北應為輔州恒州為均州沙州為深州寧州為葦鹿州義州為

巖州新州爲温州江州爲沔州西安爲鹽州安州  
爲始州并州爲隨州肆州爲塘州冀州爲順州  
淮州爲純州揚州爲潁州司州爲憲州南平爲  
昇州南郢爲歸州青州爲眉州凡改州四十六置州  
一改郡一百六改縣二百二十自元烈誅魏帝有怨言魏  
淮安王育廣平王慧昇等垂泣諫之帝不聽於是太  
祖與公卿定議廢帝尊立齊王廓是爲恭帝

魏恭帝元年夏四月帝大饗羣臣魏史柳虬執簡  
書於朝曰廢帝文皇帝之嗣子年七歲文皇帝託

於安定公曰是子才由于公不才亦由于公有勉之  
公既受茲重寄居元輔之任又納女爲白皇后遂不  
能訓誨有成致令廢黜負文皇帝付屬之意此  
咎非安定公而誰太祖乃令太常盧辯作告諭公  
卿曰嗚呼我羣后暨衆士維文皇帝以襁褓之嗣  
託於子訓之誨之庶厥有成而子罔能革變厥心  
庸旣早乎廢墜我文皇帝之志嗚呼茲咎子其焉  
避子實知之矧爾衆人之心哉惟子之顏豈惟今厚  
將恐來世以子爲口實乙亥詔封太祖子諱爲輔

城公憲爲安城公邑各二千戶茹茹乙旃達官寇廣  
武五月遣柱國趙貴追擊之斬首數千級收其輜  
重而還秋七月太祖西狩至於原州梁元帝遣使  
請據舊圖以定疆界又連結於齊言辭悖慢太  
祖曰古人有言天之所弃誰能興之其蕭繹之謂  
乎冬十月壬戌遣柱國于謹中山公護大將軍楊忠  
韋孝寬等步騎五萬討之十月癸未師濟於漢  
中山公護與楊忠率銳騎先屯其城下據江津以  
備其逸景申謹至一陵列營圍守辛亥進攻城其  
九月太祖有疾還至雲陽命中山公護受遺輔嗣  
子冬十月乙亥崩于雲陽宮還長安發喪時年  
五十二甲申葬于成陵謚曰文公孝閔帝受禪追  
尊爲文王廟曰太祖武成元年追尊爲文皇帝太  
祖知人善任使從諫如流崇尚儒術明達政事恩  
信被物能駕馭英豪一見之者咸思用命沙苑所  
獲囚俘釋而用之河橋之役率以擊戰皆得其死  
力諸將出征授以方略無不制勝性好朴素不尚  
虛飾恒以反風俗復古始爲心

史臣曰水曆將終羣凶放命或威權震主或豐  
逆滔天咸謂大寶可以力征神物可以求得莫不闕  
闕九鼎睥睨兩宮而誅夷繼及亡不旋踵是知巨  
君篡盜終成建武之資仲穎凶殘實啓當塗之  
業天命有底庸可滔乎太祖田無一成衆無一旅  
驅馳戎馬之際躡足行伍之間屬與能之時應啓  
聖之運鳩集義勇糾合同盟一舉而殄仇讎再  
駕而匡帝室於是內詢帷幄外杖材雄推至誠  
以待人弘大順以訓物高氏藉甲兵之衆恃戎馬

之疆屢入近畿志圖吞噬乃公英謀電發神施風  
馳弘農建城濮之勲沙苑有昆陽之捷取威定  
霸以弱爲彊紹元宗之衰繼創隆周之景命南  
清江漢西舉巴蜀北控沙漠東據伊瀍乃攬落  
魏晉憲章士喜脩六官之廢典成一代之鴻規  
德刑並用勲賢兼叙遠安邇悅俗阜民和億  
兆之望有歸揖讓之期允集功業若此人臣以終  
盛矣哉非夫雄略冠時英姿不世天與神授緯  
武經文者孰能與於此乎昔者漢獻蒙塵曹

周書卷之二  
公成夾輔之業晉安播蕩宋武建匡合之勲  
校德論功綽有餘裕至於渚宮制勝闔城擊戮  
茹茹歸命盡種誅夷雖事出於權道而用乖  
於德教周祚之不永或此之由乎

紀第二

周書二



